

Na osnovu Odluke o prodaji službenog motornih vozila, broj: 05-1-16-19-1703-1/26 od 11.08.2026. godine, a u skladu sa Instrukcijom o načinu i pravilima sprovođenja javnog nadmetanja-licitacije za prodaju motornih vozila budžetskih korisnika-institucija Bosne i Hercegovine broj: 08-02-2-4348/23 od 29.05.2023. godine, Agencija za zaštitu ličnih podataka u Bosni i Hercegovini *objavljuje*

JAVNI OGLAS
ZA PRODAJU SLUŽBENOG VOZILA PUTEM JAVNOG NADMETANJA -
LICITACIJE ZATVORENIM PISANIM PONUDAMA

I PREDMET LICITACIJE

1.1 Predmet licitacije je prodaja službenog motornog vozila Agencije za zaštitu ličnih podataka u Bosni i Hercegovine i to:

1. Vrsta vozila	M1 putnički automobil
2. Marka vozila	Opel
3. Tip vozila	0G-A
4. Komercijalni opis	Insignia
5. Oblik karoserije	AB-Limuzina sa zakošenim zadnjim vratima
6. Broj sjedišta	5
7. Vrsta goriva	Dizel
8. Snaga motora	100 kW
9. Radni obujam motora	1598 ccm
10. Godina proizvodnje	2017.
11. Registrovano do	18.07.2027. godine
12. Pređeno kilometara (na dan 13.08.2026. godine)	237.770
13. Boja vozila	Smeđa
14. Broj šasijske	W0LGM6E33H1062747
15. Broj motora	A2170376GZHX0716
16. Stanje vozila	Ispravno
17. Početna vrijednost u KM	12.000,00

II KRITERIJI ZA PRODAJU

2.1 Prodaja vozila vrši se metodom javnog nadmetanja - licitacije putem zatvorenih pisanih ponuda.

2.2 Vozilo se prodaje po načelu "viđeno-kupljeno" te kupac nema pravo na naknadne prigovore i reklamacije po pitanju kvaliteta, stanja, funkcionalnosti, izgleda, skrivenih ili drugih eventualnih nedostataka motornog vozila.

2.3. Kriterijum za izbor najpovoljnijeg ponuđača je najviša ponuđena cijena za navedeno motorno vozilo, koja ne može biti manja od početne prodajne cijene/vrijednosti vozila.

III PREGLED VOZILA

3.1 Vozilo koje je predmet prodaje može se pogledati na parkingu Agencije za zaštitu ličnih podataka u Bosni i Hercegovini, ulica Dubrovačka br. 6, 71000 Sarajevo od **24.08. do 27.08.2026. godine u periodu od 09:00 do 11:00 sati, nakon prethodne najave na broj telefona: 033 726 263.**

VI PRAVO UČEŠĆA

4.1 Pravo učešća u postupku javne licitacije sistemom pismenog javnog nadmetanja imaju sva pravna i fizička lica, koja prije predviđenog roka za licitaciju dostave zatvorenu pismenu ponudu za motorno vozilo koje je predmet kupovine i izvrše uplatu depozita/kaucije u visini od 9% od početne cijene za motorno vozilo što je u relativnom iznosu: **1.080,00 KM**;

4.2 Utvrđeni iznos depozita/kaucije za učešće u postupku javnog nadmetanja - licitacije uplatiti na sljedeći način:

Primalac: Ministarstvo finansija i trezora

Transakcijski račun broj: 0000030000000145

Poziv na broj: 37111

Svrha uplate: Javno nadmetanje/licitacija u Agenciji za zaštitu ličnih podataka u BiH.

Polje svrha uplate je obavezno

4.3 Novčani iznos uplaćen na ime depozita/kaucije vratiće se ponuđačima u skladu sa Instrukcijom o načinu i pravilima sprovođenja javnog nadmetanja-licitacije za prodaju motornih vozila budžetskih korisnika-institucija Bosne i Hercegovine.

4.4 Pravo učešća u postupku javnog nadmetanja - licitacije nemaju zaposleni u Agenciji za zaštitu ličnih podataka u Bosni i Hercegovini kao i članovi njihove uže porodice.

V SADRŽAJ PONUDE

5.1 ***Ponuda mora da sadrži:***

- *za fizičko lice* - ime i prezime, ime jednog roditelja, adresa i broj telefona, broj tekućeg računa, popunjen i potpisan Obrazac za cijenu ponude, dokaz o izvršenoj uplati depozita/kaucije,

- *za pravno lice* - naziv pravnog lica, adresa i broj telefona, potpis ovlaštene osobe i pečat, ime i prezime osobe ovlaštene za zastupanje u postupku javne prodaje-licitacije, kopija rješenja o upisu u sudski registar ne starije od tri mjeseca ovjereno od strane nadležnog organa, broj poslovnog računa, popunjen potpisan i pečatom ponuđača ovjeren Obrazac za cijenu ponude, dokaz o izvršenoj uplati depozita/kaucije.

5.2 Ponuđena cijena treba da bude iskazana u konvertibilnim markama (KM) i u cijelim brojevima, bez decimala.

5.3 Cijena ponude dostavlja se u *Obrascu za cijenu ponude*, koji se nalazi u prilogu ovog oglasa.

5.4 Ukoliko ponuđač ne dostavi bilo koji od traženih dokumenata ili ukoliko ponuda ne sadrži sve podatke, ili su isti nedovoljni za procjenu i analizu ponude, ista će biti odbačena kao nepotpuna.

5.5 Ponuda ***mora biti*** potpisana od podnosioca, a ukoliko je ponuđač pravno lice, ista mora biti i ovjerena pečatom pravnog lica.

VI DOSTAVLJANJE PONUDE

6.1 Pisane ponude, dostavljene na Obrascu za cijenu ponude koji se nalazi u prilogu ovog Javnog poziva, dostavljaju se u zatvorenoj (neprovidnoj) koverti sa naznakom „**NE OTVARATI – Ponuda po osnovu javnog oglasa za prodaju motornog vozila Agencije za zaštitu ličnih podataka u BiH**“ poštom ili neposredno na protokol Agencije, ulica Dubrovačka br. 6, 71000 Sarajevo.

6.2 Krajnji rok za predaju ponuda je 31.08.2026. godine do 13:00 sati, uključujući i sve ponude upućene putem pošte, a pristigle do naznačenog datuma i vremena.

6.3 U obzir će se uzeti samo ponude koje, bez obzira na način dostave (poštom ili lično), budu zaprimljene na protokolu Agencije do 13:00 sati.

6.3. Sve ponude pristigle poslije navedenog roka, bez obzira kad su poslane, kao i ponude sa ponuđenim iznosom manjim od utvrđene početne cijene, neće se uzeti u razmatranje.

VII JAVNO NADMETANJE

7.1 Javno otvaranje ponuda će se održati u prisustvu zainteresiranih ponuđača (fizičkih lica ili ovlaštenih predstavnika pravnih lica) 31.08.2026. godine u sjedištu Agencije za zaštitu ličnih podataka u Bosni i Hercegovini, Dubrovačka broj 6, Sarajevo u 14:00 sati.

7.2 Javnom otvaranju mogu prisustvovati ovlaštene osobe pravnog lica/ponuđača, ili fizičko lice/ponuđač, uz prezentaciju ovlaštenja i identifikacionog dokumenta. Prije otvaranja dostavljenih ponuda, javno se saopštavaju pravila javnog nadmetanja.

7.3 Predsjednik komisije otvara prispjele ponude, čiji se sadržaj unosi u listu ponuđača koja sadrži: naziv ponuđača, redni broj ponude po prispjeću, ponuđeni iznos i prihvatljivost ponude.

7.4 Ponude koje ne ispunjavaju tražene zahtjeve iz javnog oglasa, kao i ponude sa cijenom nižom od početne cijene, neće se uzeti u razmatranje.

7.5 Ukoliko dva ili više ponuđača ponude istu cijenu, koja je ujedno i najviša cijena, pobjednikom javnog nadmetanja će biti proglašen ponuđač koji je po datumu i vremenu prijemnog štambilja pisarnice Agencije ranije dostavio ponudu.

7.6 Nakon razmatranja liste ponuđača, utvrđuje se najpovoljnija ponuda o čemu se usmeno obavještavaju prisutni ponuđači. Predsjednik Komisije proglašava pobjednika javnog nadmetanja-licitacije.

7.7 Ako se na javni oglas javi samo jedan ponuđač čija je ponuđena cijena ista ili viša od početne cijene/vrijednosti vozila, isti se proglašava pobjednikom nadmetanja.

VIII OBAVEZE KUPCA - PONUDAČA

8.1 Po završenom postupku javnog nadmetanja Agencija za zaštitu ličnih podataka u Bosni i Hercegovini će zaključiti kupoprodajni ugovor sa odabranim ponuđačem u roku od 7 dana od završetka postupka javnog nadmetanja i istom će biti vraćen uplaćeni depozit po dostavljanju dokaza o izvršenoj uplati punog licitiranog iznosa.

8.2 Ako ponuđač ne pristupi sklapanju ugovora o kupoprodaji ili ukoliko nakon zaključenja ugovora odustane od njegove realizacije, uplaćeni deposit/kaucija mu se neće vratiti. Agencija zadržava pravo dodijeliti ugovor prvom sljedećem ponuđaču sa liste uspješnih ponuđača.

8.3 Kupac je dužan za kupljeno vozilo uplatiti puni iznos kupoprodajne cijene u roku od 7 dana od dana potpisivanja ugovora o kupoprodaji, a plaćanje se vrši sa bankovnih računa navedenih u obrascu ponude.

8.4 Uplata se vrši na sljedeći način:

- *Primalac:* Jedinstveni račun trezora BiH (JRT) otvoren kod:
 - Unicredit Bank d.d. Mostar broj računa: 3380002210018390
 - Unicredit Bank d.d. Banja Luka broj računa: 5517902220404858
- *Svrha doznake:* „Kupovina službenog vozila Agencije za zaštitu ličnih podataka u BiH“

- *Broj poreznog obveznika:* trinaestocifreni ID broj pravne osobe ukoliko uplatu vrši pravna osoba ili JMBG ukoliko uplatu vrši fizička osoba;
- *Vrsta uplate:* 0;
- *Vrsta prihoda:* 811114;
- *Opština:* treba da odgovara šifri opštine prebivališta (ili sjedišta) uplatioca;
- *Porezni period:* treba da odgovara datumu uplate;
- *Poziv na broj:* 0;
- *Budžetska organizacija:* 3501.

8.5 Primopredaja, odnosno preuzimanje vozila vrši se nakon dostavljanja dokaza o izvršenoj uplati kupoprodajne vrijednosti

8.6 Kupac je dužan preuzeti kupljeno vozilo u sjedištu Agencije u ulici Dubrovačka broj 6. Sarajevo, najkasnije u roku od 7 dana od dana uplate kupoprodajne cijene.

8.7 Troškove poreza, prijenosa vlasništva, transporta i sve druge troškove snosi kupac.

IX DODATNE INFORMACIJE

9.1 Tekst ovog Javnog oglasa će biti objavljen na web stranici Agencije www.azlp.ba, dok će kratko obavještenje o prodaji putem javnog nadmetanja -licitacije biti objavljan u tri dnevna lista koji se distribuiraju na teritoriji Bosne i Hercegovine.

Broj: 05-1-16-19-1703-3/26

Sarajevo, 14.08.2026. godine

DIREKTOR
 dr. Dragoljub Reljić

